

Selfossi, 12. nóvember 2012  
1211001SA ÞH

**Umhverfis- og samgöngunefnd Alþingis**  
**Guðfríður Lilja Grétarsdóttir formaður**  
**Austurstræti 8 - 10**  
**150 Reykjavík**

**Efni: Ályktanir ársþings SASS 2012 um umhverfismál**

Á nýafstöðnu ársþingi Samtaka sunnlenskra sveitarfélaga voru eftirfarandi ályktanir samþykktar um umhverfismál:

**Frumvarp til laga um breytingu á mati á umhverfisáhrifum.**

Ársþing SASS 18. og 19. október 2012 beinir þeim eindregnu tilmælum til Alþingis að endurskoða frumvarp það sem nú er til meðferðar á Alþingi um breytingu á lögum nr. 106/2000 um mat á umhverfisáhrifum.

Telur Ársþingið að tilkynningaskyldan sé of vítt skilgreind í frumvarpinu og bendir á að mat á umhverfisáhrifum fer fram víðar en undir ákvæðum þessa frumvarps, m.a. í skipulagsvinnu sveitarfélaga og í undirbúningsvinnu fyrir veitingu framkvæmda- og/eða byggingaleyfa hjá skipulagsyfirvöldum hvers sveitarfélags.

Að mati Ársþingsins ættu umfangslitlar framkvæmdir með hverfandi umhverfisáhrif að vera undanþegnar tilkynningaskyldu og ákvörðun um slíkt í höndum hvers sveitarfélags.

**Frumvarp til laga um breytingu á náttúruverndarlögum.**

Ársþing SASS, haldið 18 og 19 október 2012 tekur undir ítarlega umsögn Sambands íslenskra sveitarfélaga frá 26. september 2012 um drög að frv. lögum um náttúruvernd. Umrædd drög að framvarpi til breytingar á náttúruverndarlögum eru til þess fallin að skerða umtalsvert skipulagsvald sveitarfélaga og flækja stjórnslu skipulagsmála. Ársþingið beinir þeim eindregnum tilmælum til Alþingis að gæta hagsmuna sveitarfélaga við breytingu á náttúruverndarlögum.

**Minnkun svifryks frá Hagavatni**

Ársþing SASS, haldið á Hellu 18. og 19. október 2012, ítrekar fyrri ályktun um að vatnsyfirborð Hagavatns verði fært til upprunalegs horfs með stíflu í Farinu. Umhverfisáhrif yrðu umtalsverð og jákvæð þar sem svifryk af svæðinu myndi minnka til muna og lífríkið allt njóta góðs af. Um mikið þjóðþrifamál yrði að ræða fyrir allt nærumhverfið. Möguleiki myndi

- 2 -ennfremur skapast til byggingar jafnrennslisvirkjunar er skapa myndi atvinnu á svæðinu á framkvæmdatíma og auka hagkvæmni framkvæmdanna.

### **Fráveituframkvæmdir sveitarfélaga**

Árþing SASS, haldið á Hellu 18. og 19. október 2012, ítrekar nauðsyn þess að ríkisvaldið standi við þegar gefin loforð um endurgreiðslu hluta kostnaðar við fráveituframkvæmdir sveitarfélaga. Ljóst er að sveitarfélög munu eiga mjög erfitt með að uppfylla þær lagaskyldur sem á þau eru settar nema með stuðningi. Sveitarfélög á landsbyggðinni búa mörg hver við mjög viðkvæma viðtaka og verða því að fara í mjög kostnaðarsamar aðgerðir til þess að koma sínum fráveitumálum í lag. Árþingið vill einnig árétta að málefnið er ekki hagsmunamál einstakra sveitarfélaga heldur lífríkisins alls og þar með sameiginlegur ávinningur allra.

Í ljósi þess að íslenskum sveitarfélögum er gert að uppfylla strangari kröfur í reglugerð nr. 798/1999 um fráveitur og skólp heldur en tilskipun ESB gerir ráð fyrir, beinir Árþing SASS þeim eindregnu tilmælum til ríkisins að halda áfram að veita styrk vegna fráveituframkvæmda.

Árþing SASS bendir sérstaklega á að taka þurfi út úr reglugerðinni hið íslenska ákvæði sem snýr að því að sveitarfélög við sjó þurfa að uppfylla mun strangari kröfur um þynningarsvæði en gerist og gengur í löndum Evrópusambandsins.

### **Rammaáætlun**

Árþing Samtaka sunnlenskra sveitarfélaga, haldið á Hellu dagana 18. og 19. október 2012, Árþingið leggur áherslu á að Alþingi afgreiði málið á sem faglegastan hátt, taki mið af niðurstöðu verkefnastjórnar um vernd og nýtingar náttúrusvæða og taki tillit til mögulegrar atvinnuuppbyggingar á Suðurlandi. Árþingið gerir þó alvarlegar athugasemdir við þá skerðingu skipulagsvalds sveitarfélaga þar sem rammaáætlun er gerð bindandi við gerð skipulagsáætlana eins og tillaga ríkisvaldsins felur í sér.

Ályktuninum er hér með komið á framfæri.

Virðingarfyllt,  
f.h. SASS

---

Þorvarður Hjaltason  
framkvæmdastjóri

Samrit:

Umhverfis- og auðlindaráðuneytið

